

Eskubaloia

Xakea

Gainditzeko moduko aurkariak

Kiel, Veszprem eta Bragaren kontra jokatu du Bidasoak Europako Kopako ligatxoan

Pello Aiestaran / Donostia

IRUNDARREN entrenatzaileak Elgorriaga Bidasoarena «multzo interesgarria» dela esan zuen atzo, zozketaren berri izan zuenean. Bere hitzetan, Europako Kopa berez «estimulagarria da, baina zozketa honek ez dit beste sentsaziorik eragiten». Taldeak ia azko finala errepikatzen dituen aukerak aipatu zituen Villarreal. «Ondo jokatzeko badugu, finalera ailegatu gaitzake, bestela ez dugu ezer egingo. Aurkariak arriskutsuak dira, eta Bidasoak sasoi betean egon beharko du gainditu ahal izateko».

Horren ondoren, A Multzoko aurkari bakoitzari buruzko iritzia eman zuen. «Kielek ia azko egitura berbera du, Tomas Knor sartu dela kenduta. Honek agresibitate gehiago ematen dio taldearen jokoari, baina gainontzean Kiel ia azko berbera da».

Veszpremi buruz, Villarrealen erreferentzia gehiegirik ez dutela adierazi zuen. «Momentu honetan, ez dakit aurretik zein kanporatu duen ere. Ez daukagu talde honi buruzko erreferentziarik, baina beti ere elitean dago, eskola onekoa da eta pentsatzekoa da aurkari gogorra izango dela. Gainera, horrelakoetan atzerritarrek inoiz ohi dira».

Amaitzeko, ABC Braga «bere entrenatzaile errusiarraren lanaren isla da» Villarrealen ustez. «Eskola errusiarraren ezagutza, oso borrokariak dira».

Elgorriaga Bidasoak Veszprem talde hungariarraren bisitarekin ekingo dio ligatxoari, urtarrilaren 17an, eta Kielen kantxan amaitu martxoaren 27an.

Barcelona eta Zagreb dira faborito nagusiak B multzoan • Ligatxoko sistema ia azko bera izango da: multzo bakoitzeko talde guztiek elkarren kontra jokatu dute, joan-itzulian, eta liderrak lortuko du finalerako txartela. A multzoan, Elgorriaga Bidaso eta THW Kiel dira faborito nagusiak, batez ere irundarren ia eskuraturako titularen ostean. B

T HW Kiel, Fotex Veszprem eta ABC Braga izango dira Elgorriaga Bidasoaren aurkariak Europako Kopako ligatxoan, atzo eguerdian Vienan eginiko zozketaren arabera. Beste multzoan Barcelona, Banka Zagreb, Winterthur eta Gudme ariko dira. Juantxo Villarealen irudikoz, «bi multzoak nahiko parekatuak geratu dira».

Aspaldiko ezagunak

ELGORRIAGA Bidasoarentzat ezagunak dira Europako Kopako ligatxo honetan izango dituen hiru aurkariak. Izan ere, Europako zehar eginiko bidean hiruren kontra jokatu behar izan dute irundarren azken urteotan. ABC Braga izan zen Elgorriagarekin topo egin zuen lehena, 1990-91 denboraldian. Errekopako aurreneko kanporaketan, bidasotarrak erraz nagusitu ziren: 28-18 irabazi zuten joanekoan, Irunen, eta 21-30 Portugalen. Urte horretan, Bidaso finalera ailegatu zen, baina galdu egin zuen TSV Milbetshofenen kontra.

Urtebete geroago, eta berriro ere Errekopan, Bramac Veszprem talde hungariarrekin neurtu zituen indarrak, final-zortzirenetan. Etxean, joanean, Elgorriaga Bidasoak porrot egin zuen ezustean, orduko hartan hemen nahiko ezezaguna zen taldearen aurka (18-26). Itzulian Villarrealen gizonak irabazi egin zuten (17-19), baina txapelketatik kanpo geratu ziren.

THW Kielekin, azkenik, ia azko Europako Kopako ligatxoan aritu zen Elgorriaga Bidaso. Artalekun, lehen jardunaldian, 25-18 irabazi zuen, eta itzulian 23-21 galdu.

multzoari dagokionez, Barcelona eta Zagrebek dute aukera gehien, eta Gudme eta Winterthur bigarren maila batean ageri dira. Aipatu lau faboritoetatik hiruk, Europako Kopa irabazi dute: Barcelonak 1991ean, Zagrebek 1992 eta 93an eta Elgorriaga Bidasoak 1995ean. THW Kiel, aldiz, ez da inoiz Europako final batean egon. X



Nenad Perunicic gaur jokatu egingo duela baieztatu zuen Juantxo Villarrealak.

EDURNE KOCH

A MULTZOA	B MULTZOA
THW Kiel (Alemania)	Banka Zagreb (Kroazia)
Elgorriaga Bidaso	F.C. Barcelona (Espainia)
Fotex Veszprem (Hungaria)	Pfadi Winterthur (Suitza)
ABC Braga (Portugal)	G.O.G. Gudme (Danimarka)

Barcelonaren kontra geroari begira

Elgorriaga Bidasoak goranzko bideari eusteko asmoz bisitatuko du gaur liderraren kantxa (20.00)

Pello Aiestaran / Donostia

ELGORRIAGA BIDASOAK Barcelonaren aurka jokatu du gaur Palau Blaugranan (20.00), Asobal Ligako 13. jardunaldian. Talde irundarra ez da txapelketa honetan espero bezalako lana egiten ari, eta gaur beste proba bat edukiko du liderretako baten kontra (beste Teka da, biak ere berdinduta).

Momentu honetan, eta lehen itzulia amaitzeko gaurkoa eta beste bi jardunaldi besterik ez direla falta, zazpi puntuko aldea dago bien artean.

Datuek ez dute zalantzarako tarterik uzten. Barcelona taldeak jokaturako partiduko guztiak, hamabi, irabazi egin ditu. Guztira 392 (32,6 partiduko) gol sartu ditu, eta 249 (20,75) bakarrik jaso.

Horren aurrean, Bidasoak 8 garaipen, berdinketa bat eta 3 porroteko balantzea dauka. 281 (23,4) gol egin ditu, eta 260 (21,6) jaso. Alegia, irundarren kataluniarrek baino 111 gol gutxiago sartu dituzte denboraldian zehar, eta 11 gehiago jaso.

Hori gutxi baltitz bezala, partidua Barcelonaren etxean joka-

tuko da; beraz argi dago Valero Riveraren gizonak direla faborito. Hala ere, Juantxo Villarrealen irakurketa positiboa egin nahi du: «Liga urrun dago, baina ez galduta. Gure jokoaren hobe-kuntzaz baliatzeko momentua da, urtea goranzko bidean amaitu eta urtarila gogoz hasteko. Hor Kopa, Europako Kopa eta bestelakoak izango ditugu, eta gure lana horri begira egin behar dugu».

Hamahiru gizon eraman ditu Villarrealak Bartzelonara • Nuñez eta Barreto atezainak, De

la Haza, Marin, Ordoñez, Kisselev eta Perunicic lehen lerrokoak, eta David Rodriguez, Angel Fernandez, Andreu, Rubiño, Pujol eta Etxaburu bigarren lerrokoak eraman ditu Juantxo Villarrealen Bartzelonara. Hamahiru gizon, Nenad Perunicic egoera fisikoa oraindik ez delako egokiena. Teknikoak adierazi zuenez, erasoan jokatu du, baina defentsan ariko den ez du hain argi. «Eskumuturreko lesioa berez gainditua du, orain molestia batzuk ditu, baina jokatzeko moduan dela uste dut, baita defentsan ere». X

FIDEko presidente berriak zatiketa guztiekin amaitu nahi duela dio

■ Bi federazioetako kideek, ordea, zail ikusten dute egoerari buelta ematea

Erredakzioa / Donostia

KIRSAB ILLUMIOVEK, Nazioarteko Xake Federazioko (FIDE) presidente berriak, lehenengo lana «xake munduan dagoen zatiketa amaitzea eta bi aurkariak, Gari Kasparov eta Anatoli Karpov, adiskidetzera» dela adierazi du. Iliumioy (Errusiako Kalmikia errepublikako lehendakaria eta Errusiako senadorea) joan den ostiralean aukeratu zuten FIDEko presidente. Hasieratik, erakunde hori sendotzeko desioa agertu zuen. «154 herrialde biltzen ditu FIDEk, eta horiek guztiek eta xakearen alde lan egin nahi duten guztiek bat egin dezaten lan egingo dugu».

Boris Jeltsinek FIDEko Biltzar Nagusira bidalitako gutuna eta Florencio Campomanes aurreko presidentearen laguntza «erabakigarriak» izan ziren bere izendapenean, Iliumioy adierazi zuenez. «Ni ez naiz gaizki konpontzen ez Makarovekin (Errusiako Federazioko presidentea eta FIDEko kidea), eta ezta Kasparovekin (Jokalar Profesionalen Elkarteko kidea) ere».

Karpovek eta Kasparovek haserretuta zergatik egon behar duten ez duela ulertzen dio Iliumioy. «Nire asmoa biak mahai baten eseritzea da, adiskidetu daitezen. Arkumea eta vodka botila bat emango diegu, bakeak egin eta arazo guztiekin amaitzen».

Bi federazioetako ordezkariak ez dute egoera argi ikusten • Kirsab Iliumioy ideiak ona badirudi ere, Nazioarteko Federazioko eta Jokalar Profesionalen Elkarteko ordezkariak ez dituzte gauzak oso argi. Gari Kasparovek adierazitakoaren arabera, «Iliumioy eta bion arteko harreman onak ez du esan nahi arazo larriak amaituko direnik. Astebete itxarongo dugu, baina FIDE eta PCAREN arteko akordioa lortzeko bermerik ekartzen ez duen ideiarik ez badago, guk geure gauzekin jarraituko dugu. Elkarte profesionala gara, eta ezin dugu Munduko Txapelketa FIDEn aldaketan arabera egin».

Andrei Makarov FIDEko kideak, berriaz, protesta egin zuen Iliumioy presidente aukeratu zutelako. «Ezlegezkoa da bera aukeratzera. Horrela, mugarik gabe atzeratzen da FIDE eta PCAREN arteko akordioa, eta Kasparov eta Karpov txapeldunen arteko lehia». X